

# جينا يبن أمي من اليسر جينا ردنا يا مظلوم تعطف اعلينا من اليسر جينا

أنه يالمذبوح زينب الحرة والخدر طبعي  
عشت بضالك محد هضمي ولاجرى دمعي  
ريتك تشاهد حالي يحسين تعالين الوضعي  
مسود متني وعيني هماله ومنهشم ضلعي  
متحن عليه وتنتفض ليه من اليسر جينا

أنه يالمظلوم بهيية العباس محد دناني  
بكل وكت يمي وطول العمر ما فارق مكاني  
ومن بعد عينه وجوده ويمينه دهري سباني  
هالدهر خوآن كم بلوه وكم محنة رماني  
ردته يراني والههم عراني من اليسر جينا

كلي شتحمّل من المصايب هاي ياهضم حالي  
أمشي علهزل من بعد ولياي وراسك اقبالي  
وين خدري الچان راح من بعدك يا سوري العالي  
حقي لو أنحب والطم اعلى الراس وانذب ارجالي  
طاحوا عالتربان واحنا يا الإخوان من اليسر جينا

أوصف الأحوال وكثرة الأهوال وضميم المآسي  
من كثرها يسيل دمعني بخدي شبيت راسي  
ما ذقت أبداً بسفرتي راحه دوبي أقاسي  
محد رحمننا وبرد قلبنا ومحد يواسي  
سفرتي صعبة آه يا الأحبة من اليسر جينا

وين يا خويه هيبه العباس يعاين خواته  
ريته لو شاهد حال العقيلة وهم الشماته  
أدري به وقاي وادري ما تقبل هلحاله ذاته  
الإبا والجود والعزم والغيرة من صفاته  
واحن نادينا هايا والينا من اليسر جينا

خوية تدري يزيد جوره اتعدى وهان الأحبة  
يسب حامي الجار خوية وراسك يمي يضربه  
كسر أضراسك هشم اشفاك هلحالة صعبة  
شفت يبن أمي بمجلس الطاغي نكبة اعلى نكبة  
الصبر وينه خويه دلينا من اليسر جينا

وكل مصاب يهون يا غريب اقبال هم الخرايب  
طفاتك بيها شافتك بالنوم والدمع ساكب  
وقعدت وصاحت وين بويه حسين قامت تطالب  
جابو الها الراس وشهكت وماتت يبن الغوالب  
وادفنتها هناك من بعد عينك من اليسر جينا

وأنه أرد أنصب يا عدیل الروح بالقبر ماتم  
وابقى انوح عليك لو تمر دهور یبن الأكارم  
وابچی لمصابك لو نشف دمعی أبچی لك ابدم  
والیلوم یلوم ما تهمني الناس اشقالت الوادم  
أنه عبدك جیت واطلبك بمراد أنه لك خادم  
وادري ما تبخل یلنطیت ادماك بحد الصوارم  
إحنا خدامك فدوه لجدامك بالحزن جینا